

Tu si te trajis čiro trajo sar tu kames, te porunčis pe tute korkori, te aven tut čire sune thaj te keres buči te kerdžol kodo čači. Kodo si slobodia, thaj kodo si o liberalismo.

#### TIPIČNO LIBERALNO

Liberalismo značil slobodia. Numa naj sa kodo ke savori birin te keren so kamen te keren. Te si te avel e slobodia pe savorende- thaj na feri kodoleske so si maj baro thaj zuralo-trobuj amen jekhutne reguli. Anda kodo si amen sar eksempla vorbimaski slobodia (yttrandefrihet) skolako musajipe thaj policia, thaj žutisarar kusa buči kana počinas amaro žutimasko drom (välfärd) khetanes. Tipične liberalne ghindura!

#### VARNINGO KE SI LIBERALNO INKERIPE

E liberalne ghindura holjarnas mindik kodolen so inkren thaj porunčin. Slobodiake oponentura mezinas diferentne tela e vrama: kraja thaj grofura anglunes thaj pala kodo nazistura thaj komunistura. Adžes si e populistura thaj e ekstremistura. Krujal e ljuma thaj vi ando Švedo arenen von penge nasulimasa pe demokratsia, žanglipe thaj pluraliteto. Akanak avilas vrama te phenas dosta. Alosaren te avel maj but liberalne buča ande politika.

#### AMARE MAJ VAŽNE PUŠIMATA

Kana e skola či funkcionulij, thaj e studentura či sitčon kodo so trobuj-atunči xasajvel e slobodia te arenel pe jekh trajo. Thaj kana e integratsia perel tele, thaj diferensia barolatunči či birin e manuš te len sama pala pende. Anda kodo si e skola thaj e integratsia e maj važne pušimata e Liberalonge ando alosaripe 2018.

**Ame šas e skola anglunes**, ke edukatsia del šajipe thaj slobodia. Klasa si te avel jekh than po žanglipe, pača thaj bučaki vrama.

**Ame kamas jekh Švedo khaj inkerdžol pe khetanes**, kote khaj neve švedanura kamen te keren buči thaj len sama pala phende thaj žutin. Šib, buči thaj jekhipi si o drom ando them.



**Jan Björklund.** Liberalongo partiako-šerutno. 56 berš, trajij ande Bromma peska romniasa thaj duje šaventsa. Sas man anglal edukatsiako-ministro, thaj ghindoj ke sa lel pe laša skolasa.

**Regeriungo.** Liberalura kamen te važden jekh nevo regeriungo khetanes kusa e kaver parti ande Alliansa: M, C thaj KD. Liberalura či avna andre ande jekh regeriungo khaj dena Sverige-demokrater-na influenso pa regeriungoski politika.

**Ame sam e Liberalerna.** Maj anglal bušovas Folkpartiet. E partia sas grundovano 1934, thaj ando berš 2015 lam decizia te bušovas kodo so sam – Liberalerna.

VARNINGO! Liberalne buča. Šaj te mezij nasul e populistonge, ekstremistonge thaj e socialistura. Fakta thaj humanismo šaj seriozno te malavel tele dile ghindura thaj populismo.



## SKOLA ANGLUNIMASTAR

Ande skola si sako jekh šavoro te žanel ke sa si jekh šajipe. Feri vi kade mukhen sako šovto studento fonduni skola khaj naj dosta žanglipe te kerel pe starto ande gymnasium. Ande klasi si butivar xoljia thaj marimata. Naj dosta sikavne. Kodolen so trobuj pača či birin te inkren konsentratsia, thaj kodol so kamen te aresen maj dur či len jekh lashio inkeripe karing kado. Či kamas te avel kade.

**Maj but vrama thaj čačo žanglipe.** Naj či soske skurte droma khaj o žanglipe: trobuj vrama thaj lašie pedagogura. Kamas te avel amen maj but vrama khaj e sikavne sičaren thaj maj but lektsiake časura. Skola si te avel deš berš savorengi, thaj kodoles khaj trobuj maj but vi kodo kodoleske.

**Pača ande sako klasa.** Kana si maj tsera marimata ande klasi, ačaren pe e studentura thaj e sikavne maj feder. Maj sigo žutipe, maj but spesialne sikavne thaj tsine edukatsiake grupi kodolenge khas kodo trobuj. Thaj sa e klasi si te aven bi telefononge.

**Bax zor e sikavnege.** Sikavnenge buči si e ljumaki maj vazno-vazden opre lengo počin thaj statuso, thaj lašaren lengi bučiake konditsi. Maj but karierove bučia thaj šajipe te žan angle. Maj laši edukatsia kusa maj but pedagogika, liderosko inkeripe thaj praktika.

## MAJ LAŠI INTEGRATSIA

Imigratsia kerdas e Švedoske maj feder, maj godžaver thaj maj barvalo vramasa. Feri adžes dikhas bare problemura kusa manuš so ačaren ke či pasulin, bi bučaripe thaj dar ande foroske kotora thaj ande thana khaj si phares. But manuš či len šansa te trajin pesko trajo. Neve švedanura si te birin te trajin thaj te keren buči te birin te žutin maj dur.

**Šib thaj buča.** Šib si jekh biljeto andre ando šveditsko them, khaj slobodia thaj te birij o manuš te porunčil pe peste. Ame kamas maj zurale musajimata te sitčon e manuš šveditsko šib maj sigo. Inträdesjobb – buča so den anglunimastar maj tsera počin thaj maj lokhi reguli te birin so maj but manuš te arakhen penge angluni buči.

**Jekhipe savorengi.** Sa kodola čačimata thaj šajimata sa e žuvliange. Te malavel pe honorovano nasulipe kana lel pe žanglipe, maj sikavne zakonura thaj maj zurale strafura. Religiozne ekstremistura thaj moralne polici či len than ande jekh moderno Švedo.

**Maj sekurne kotora ande forura.** Kana e kriminalne gangi len perdal e zor pe droma thaj centrumura, daravel kado e manušesko džes. Ame kamas te aven maj but ande policia maj but sekuritake bučara thaj jekh intensivno buči karing gangi thaj nasulimaske ekstremistura.

## MAJ BUT LIBERALNO POLITIKA

**Jo khaj Europa.** Ame musaj te keras jekhutni buči te inkras perdas e klimatoske darajimata, internationalno kriminaliteto thaj te las responsebilita kodole manušenge so si našutne. Ame kamas maj but EU-koperatsia thaj te las o Euro.

**Ašaven o asistanso.** Čačipe khaj personalno asistanso del e manušen khas si jekh funkciako nasvalipe jekh šajipe te trajij jekh trajo sar sa e kaver. Univar musaj e slobodia te koštulij.

**Si te avel varto te nakhen edukatsia, te kerel pe zurali buči thaj te inkrel pe firmi.** Ame kamas te tsinjaras e skatura.

**Alosaripe ando žutimasko drom.** Te lišisaras o kvaliteto thaj te avas korektne sar amare skatoske love si xasnime, feru na te malaven tele pluraliteto.

**Mukhen e maj phuren te porunčin pe pende.** Maj lokho te kerel pe maj but berš buči te mangel pe te kerel pe kodo. Maj but te phenel pe ande žutipe karing e maj phure. Maj but diferentne trajimaske formi te alasarel o manuš.



VARNINGO! Liberalne buča. Šaj te mezij nasul e populistonge, ekstremistonge thaj e socialistura. Fakta thaj humanismo šaj seriozno te malavel tele dile ghindura thaj populismo.